




ԵԿԵՂԵՑԱԿԱՆ ԲԵՄ. ԼՈՒՐԵՐ

Նոյեմբերի 2-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Ս. Մովսիս վրդ. Սարգսյանը և «Հայր մեր»-ից առաջ քարոզում «Տէ՛ր, Տէ՛ր, դու ես կնիք մմանութեան և լցաք իմաստութեան» բնաբանով:

Հավարտ ս. պատարագի, Վեհափառ Հայրապետի նախագահությամբ, կատարվում է հոգեհանգիստ՝ նորոգ հանգուցյալ հայրենի գրող Մուշեղ Հովնի Գալշոյանի հիշատակին:

Պատարագից հետո Վեհափառ Հայրապետը Վեհարանում ընդունում է հանգուցյալի հարազատներին և միաթարիչ խոսք ասում նրանց՝ կրած մեծ կորստի պատճառով:

* *

Նոյեմբերի 5-ին, չորեքշաբթի.—Այսօր, երեկոյան, Վեհարանում, Վեհափառ Հայրապետի նախագահությամբ, գումարվում է միաբանական հերթական հավաքույթ:

* *

Նոյեմբերի 9-ին, կիրակի.—Այսօր Մայր տաճարում, Ավագ խորանի վրա, ս. պա-

տարագ է մատուցում Ս. Անանիա վրդ. Արաքաջյանը և «Հայր մեր»-ից առաջ քարոզում «Թէպէտ և եմ ածու փոքր, և թուով յոյժ ընդ փոքու սահմանեալ... սակայն քազում գործք արութեան գտանին գործեալ և ի մերում աշխարհիս և արժանի գրոց յիշատակի» (Մովսէս Խորենացի) բնաբանով: Ս. պատարագին ներկա էր Վեհափառ Հայրապետը:

* *

Նոյեմբերի 12-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, գումարվում է միաբանական հերթական հավաքույթ:

* *

Նոյեմբերի 16-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Ս. Կոմիտաս արդ. Հովնանյանը և «Հայր մեր»-ից առաջ քարոզում «Որ ունիցի ականջս լսելոյ՝ լուիցէ» (Մատթ. ԺԱ 15, ԺԳ 9) բնաբանով:

* *

Նոյեմբերի 17-ին, երկուշաբթի.—Այսօր,

երեկոյան, Ֆրանսիայից Մայր Աթոռ է ժամանում Փարիզի հայոց հայրապետական պատվիրակի փոխանորդ Ս. Գյուտ եպս. Նագաշյանը:

Սրբազան հորը օղանավակայանում դիմավորում են Ս. Մոմիկ վրդ. Սարգսյանը և Ս. Զատիկ արդ. Ավետիքյանը:

*
* *

Նոյեմբերի 19-ին, չորեքշաբթի.—Այսօր Մայր Աթոռ են ժամանում Ս. Գնել եպս. Շերեճյանը (Բելյուսից), Դամասկոսի հայոց թեմի առաջնորդ Ս. Ոսկան ծ. վրդ. Գալբակյանը (Դամասկոսից) և Իրաքի հայոց թեմի առաջնորդ Ս. Ավագ ծ. վրդ. Ասատուրյանը (Բաղդադից):

Օղանավակայանում սրբազան հորը և հայր սուրբերին դիմավորում են Ս. Հուսիկ արքեպ. Սանթրոյանը, Ս. Արսեն եպս. Բերբերյանը և Ս. Մոմիկ վրդ. Սարգսյանը:

*
* *

Նոյեմբերի 20-ին, հինգշաբթի.—Այսօր Մայր Աթոռ են ժամանում Ամերիկայի Միացյալ Նահանգների արևմտյան թեմի առաջնորդ Ս. Վաչե արքեպ. Հովսեփյանը և Իտալիայի հայ համայնքի հոգևոր հովիվ Ս. Սարգիս քնն. Սարգսյանը:

Օղանավակայանում սրբազան հորը և տեր հորը դիմավորում է Ս. Մոմիկ վրդ. Սարգսյանը:

*
* *

Նոյեմբերի 21-ին, ուրբաթ.—Այսօր Վիեննայից Մայր Աթոռ է ժամանում Կենտրոնական Եվրոպայի հայրապետական պատվիրակ Ս. Մեսրոպ ծ. վրդ. Գրիգորյանը:

Օղանավակայանում հայր սուրբին դիմավորում է Ս. Գրիգորիս վրդ. Բունիաթյանը:

*
* *

Նոյեմբերի 22-ին, շաբաթ.—Այսօր Մայր Աթոռ են ժամանում Ամերիկայի Միացյալ Նահանգների արևելյան թեմի առաջնորդ Ս. Թորգոմ արքեպ. Մանուկյանը և Անգլիայի հայրապետական պատվիրակ և առաջնորդ Ս. Ներսես եպս. Պողոսյանը:

Սրբազան հայրերին դիմավորում են Ս. Գրիգորիս և Ս. Մոմիկ վարդապետները:

*
* *

Նոյն օրը Վեհափառ Հայրապետին են այցելում մի խումբ բելյուսահայ ուխտավորներ:

*
* *

Նոյեմբերի 23-ին, կիրակի.—Այսօր տաճարում, Ավագ խորանի վրա, ս. պատարագ է մատուցում Ս. Մեսրոպ ծ. վրդ. Գրիգորյանը: Ս. պատարագին ներկա էր Վեհափառ Հայրապետը:

*
* *

Նոյեմբերի 25-ին, երեքշաբթի.—Այսօր Ավստրալիայից Մայր Աթոռ է ժամանում Ավստրալիայի և Նոր Զելանդիայի հայոց թեմի առաջնորդ Ս. Գարեգին արքեպ. Գազանճյանը:

Օղանավակայանում սրբազան հորը դիմավորում է Ս. Զատիկ արդ. Ավետիքյանը:

*
* *

Նոյեմբերի 29-ին, շաբաթ.—Տոն Սրբոց Առաքելոցն և առաջին լուսաւորչացն մերոց Թաղէտի և Բարդուղիմէոսի:

Այսօր Մայր տաճարում, Ավագ խորանի վրա, օրվա մեծ տոնի առթիվ պատարագ է մատուցում Ս. Խաչատուր քնն. Ֆրանգյանը:

